

Urden da scola per il center da furmaziun e cussegliaziun agricula Plantahof (CFCA)

sa basond sin l'art. 36 da la lescha chantunala d'agricultura ¹⁾ e sin l'art. 10 da l'ordinaziun d'agricultura ²⁾ dal chantun Grischun

relaschè da la regenza ils 8 d'october 2001

I. Disposiziuns generalas

Art. 1

La scola dat, resguardond spezialmain l'agricultura da muntogna ed il svilup dal territori rural, ina scolaziun a las scholaras ed als scholars ch'als qualifitgescha d'avair success en lur professiun u en ina scolaziun cuntinuanta. Ella promova la furmaziun da la persunalitad da las scholaras e dals scholars ed instruescha la moda da patratgar globalmain. Intent

Art. 2

¹ Il center da furmaziun e cussegliaziun agricula porscha en emprima lingia la furmaziun agricula fundamentala. Purschida da furmaziun

² Sco scolaziuns vegnan purschids principalmain:

- a) curs da commerzi, da turissem e d'administraziun;
- b) scola da manader da gestiun;
- c) maturitad professiunala

Art. 3

La scola resguarda adequatamain la trilinguitad dal chantun cun concepir ils plans d'instrucziun e cun dar l'instrucziun. Lingua d'instrucziun è per regla il tudestg. Lingua d'instrucziun

Art. 4

¹ L'instrucziun da la furmaziun fundamentala professiunala è gratuita. Davart ils custs per alimentaziun e per alloschi sco er davart las taxas da scola d'autras scolaziuns relascha la regenza in reglament spezial ³⁾. Custs

² A las scholaras ed als scholars vegnan mess a quint ils custs per excursiuns, per meds e per materialias d'instrucziun.

¹⁾ DG 910.000

²⁾ DG 910.050

³⁾ DG 919.300

³ Per ils roms d'elecziun e facultativs sco er per roms che mainan ad in diplom spezial po vegnir dumandada ina participaziun als custs.

Art. 5

Assicuranzas

¹ Igl è chausa da las persunas cun la tgira dals geniturs respectivamain da las scolaras e dals scolars maiorens da far in'assicuranza cunter accidents durant l'instrucziun a scola, durant il temp liber e durant las vacanzas.

² In'assicuranza privata da responsabladad che surpiglia donn's visavi la scola e visavi terzas persunas sto vegnir fatga da tut las scolaras e da tut ils scolars.

Art. 6

Responsabladad

La scola na stat betg buna per la proprietad e per il possess da scolaras, da scolars e da participants da curs.

Art. 6a ¹⁾

Surveglianza

La surveglianza da la scola d'agricultura Plantahof è chausa dal departament.

Art. 7

Organisaziun dal
manaschi da scola

La direcziun procura per in'organisaziun cunvegna dal manaschi da scola e relascha las regulaziuns necessarias per quest intent en furma scritta.

II. Direcziun da la scola

Art. 8

Direcziun da la
scola

La direcziun da la scola vegn ademplida da la scheffa u dal schef da secziun "furmaziun".

Art. 9

Direcziun d'ina
scolaziun

Las singulas scolaziuns vegnan manadas d'ina persuna d'instrucziun che vegn designada da la direcziun.

Art. 10

Magistra u
magister da classa

¹ La manadra u il manader da la scolaziun numna ina magistra u in magister da classa per mintga classa.

² La direcziun definescha las incumbensas da questas persunas d'instrucziun.

¹⁾ integrà tenor l'art. 1 cifra 21 da l'ordinaziun davart la delegaziun da competenzas da la regenza als departaments ed als posts da servetsch, DG 170.340; entrà en vigur il 1. da schaner 2009

Art. 11

La direcziun da la scola sco er la manadra u il manader e las magistras ed ils magisters principals da las scolaziuns respectivas furman la conferenza da las persunas d'instrucziun. Questa conferenza vegn presidiada da la manadra u dal manader da la scolaziun respectiva.

Conferenza da las
persunas
d'instrucziun

III. Entrada ed extrada**Art. 12**

¹ La direcziun definescha las cundiziuns d'admissiun, uschenavant ch'i na dat betg regulaziuns d'admissiun surordinadas.

Entrada

² La direcziun da la scola decida davart l'admissiun.

Art. 13

¹ Tgi che vul extrar anticipadamain da la scola, sto preschentar ina decleraziun en scrit da las represchentas legalas u dals represchendants legal. Scholaras e scholars maiorens suttascrivan sezs la decleraziun en scrit.

Extrada

² La scola po metter a quint cumplainamain las taxas da scola che ston vegnir pajadas eventualmain per il semester cumenzà.

³ Per scolaziuns frequentadas incumplettamain na vegn per regla betg emess in attestat.

IV. Frequentaziun da la scola**Art. 14**

Las scholaras ed ils scholars èn obligads da frequentar tut las lecziuns d'instrucziun e tut las occurrenz che vegnan purschidas da la scola sco roms obligatorics u roms d'elecziun obligatorics.

Preschientscha

Art. 15

Sin dumonda motivada decida la direcziun da la scola davart ina dispensaziun. Questa dispensaziun po vegnir colliada cun cundiziuns e cun pretensiuns. Ina dispensaziun na dat betg il dretg d'ina restituziun dals custs per l'alimentaziun, per l'alloschi u per taxas da scola ch'èn eventualmain vegnidas pajadas.

Dispensaziun

Art. 16

Cun s'inscriber en il cudeschet d'absenzas motivescha la scolara u il scolar sia assenza. Absenzas fin ad in mez di visescha la magistra u il magister da classa, absenzas pli lungas la manadra u il manader da la scolaziun.

Absenzas

V. Internat**Art. 17**

Internat Ensemen cun la scola vegn manà in internat. La scolaziun po vegnir frequentada a l'internat, al mez internat u a l'externat.

Art. 18

Direcziun La direcziun designescha la manadra u il manader da l'internat.

VI. Promoziun ed attestat**Art. 19**

Promoziun La conferenza da persunas d'instrucziun da la scolaziun correspundenta decida davart la promoziun, e quai sin fundament da las prestaziuns. Ils reglaments da promoziun respectivs reglan ils detagls.

Art. 20

Attestats ¹ L'attestat valitescha las prestaziuns e las cumpetenzas da las scholaras e dals scholars. El serva a l'orientaziun dals geniturs, da las scholaras, dals scholars e dals patruns d'emprendissadi.

² Las represchentantas legalas u ils represchentants legals vegnan infurmads mo, sche la scolara u il scolar è minorenn u sch'ella u el ha dà a la direcziun da la scola ina autorizaziun en scrit per far quai.

³ L'attestat sto vegnir suttascrit da la persuna ch'è vegnida autorizada legalmain da far quai. I pon vegnir consegnads rapports intermediars.

Art. 21

Taxas d'examen Per ils examens en la furmaziun fundamentala na vegnan incassadas naginas taxas. Per tut ils auters examens sa drizza la tariffa tenor ils reglaments d'examen respectivs.

VII. Cumportament en scola e sin l'areal da scola**Art. 22**

Reglas da cumportament ¹ Il cumportament en scola e sin l'areal da scola duai star sut l'ensaina da fairness, da toleranza e da respect vicendaivel. Las scholaras ed ils scholars èn obligads da suandar las directives da la direcziun da la scola, dals magisters e dals collavurats.

Art. 23

Meds enivrants ¹ En l'entir areal dal Plantahof èsi scumandà da consumar alcohol e da fimar. La direcziun po permetter excepziuns.

Art. 24

Las scholaras ed ils scholars ston deponer ina cauziun al cumenzament dal semester. Ils custs per eventualas perditas da clav e per eventuals donnns en l'internat pon vegnir deducids da la cauziun. Cauziun

VIII. Chastis ed autras mesiras

Art. 25

¹ Sche las scholaras u sch'ils scholars violeschan l'urden da scola u ses relaschs executivs u sch'els n'observan betg las directivas da la direcziun, da la manadra u dal manader da la scola ubain da las persunas d'instrucziun sco er da las collavuraturas e dals collavurats, vegnan els chastiads cun reprimanda u cun chasti. Chastis

² Per ademplir il chasti ston las scholaras ed ils scholars survegnir in'occupaziun raschunaivla.

Art. 26

¹ L'exclusiun da la scola u da l'internat po vegnir smanatschada (ultimatum) u disponida, sch'ina scolara u in scolar: Mesiras

- a) violescha grevmain l'urden da scola, il reglament da chasa u la disciplina en scola;
- b) periclitescha la cuminanza da scola ubain singulas scholaras e singuls scholars;
- c) donnegia cun malart mobiglias e material da scola;
- d) consumescha, posseda u commercialisescha drogas illegalas u fermas;
- e) ha engulà objects da la scola u da conscolaras e da conscolars.

² Ina exclusiun da l'internat po vegnir disponida er temporarmain.

Art. 27

Sch'ina scolara u sch'in scolar daventa chastiabel malgrà la smanatscha d'exclusiun, vegn fatga la dumonda d'exclusiun. Consequenzas da l'ultimatum

Art. 28

¹ Ils chastis vegnan dads da la direcziun da la scola u da las persunas d'instrucziun. Las persunas d'instrucziun dastgan pronunziar chastis da fin 2 uras, la direcziun da la scola u da l'internat chastis pli lungs. Cumpetenzas

² In ultimatum u l'exclusiun da l'internat vegnan disponids da la directura u dal directur.

³ Davart l'exclusiun da la scola decida il departament. La dumonda sto vegnir fatga da la direcziun.

Art. 29

Attenziun
giuridica

Las scolaras u ils scholars che vegnan chastiaids pon pretender ina discussiun persunala cun la persuna d'instrucziun da classa, cun la direcziun da la scola u cun la directura u il directur.

Art. 30

Communicaziun

La reprimanda, l'ultimatum e l'exclusiun ston vegnir communitgads en scrit cun indicaziun da las pussaivladads da far recurs. Per scolaras e per scholars minorens vegn fatga la communicaziun er a la represchentanta legala u al represchentant legal ed a la patruna u al patrun d'emprendissadi.

Art. 31

Meds legals

¹ Cunter chastis disponids po vegnir fatg recurs entaifer 10 dis tar la directura u tar il directur.

² Cunter chastis u decisiuns da la directura u dal directur po vegnir fatg recurs entaifer 10 dis tar il departament.

IX. Entrada en vigur

Art. 32

Entrada en vigur,
aboliziun dal
dretg vertent

Quest urden da scola entra en vigur il 1. da november 2001 e remplazza quel dals 11 da fanadur 1977 ¹⁾.

¹⁾ CUL 1977, 192; CUL 1985, 1417 e CUL 1993, 2739